

欽定四庫全書

子部
普濟方卷八十七




詳校官太醫院吏目臣周世泰

編修臣倉聖脈覆勘

欽定四庫全書

普濟方卷七

運氣圖



明

周王朱橚撰

[illegible]

少陰君火司天陽明燥金在泉中見太宮土運歲土太
過氣化運行先天天地之氣上見少陰左間太陰右間厥陰故
天政布其氣明下見陽明左間太陽右間少陽故地氣
肅而其令切交司之氣寒交暑天地之氣熱加燥雲馳
雨府濕化迺行時雨迺降金火合德上應熒惑太白其
穀丹水火寒熱持於氣交而為病始熱病生於上清病
生於下寒熱互作而爭於中民病欬喘血溢血泄軌嚏
目赤眚瘍寒厥入胃心痛腰痛腹大噎乾腫上迺歲化

之常候其氣至與不至然後可名其病是歲火為天氣
金為地氣火能勝金天氣盈地氣虛然中見土運天氣
生運運生地氣二氣相得地氣雖虛邪勝亦微天氣既
盈化源為實當於年前大寒初先取化源使之適平取
化源者平火氣也歲宜食白丹之穀以全真氣食間氣
之穀以辟虛邪賊以奠之調其上甚則以苦發之以酸
收之而安其下甚則以苦泄之運同地氣當以溫熱化
歲半之前天氣少陰主之少陰之化本熱而標陰當是時

本標之化應寒熱相半無或偏勝者天政之平地或熱
熱所勝沸熱火行其政民病胸中煩熱嗌乾右肱滿皮
膚痛寒熱欬喘大雨且至嘔血血泄衄血嚏嘔溺色變
甚則瘡瘍肘腫肩背孺及缺盆中痛心痛肺臍腹大滿
膨膨而喘嗽病本于肺診其尺澤脈絕者死不治其法
平以醎寒佐以苦甘以酸收之歲半之後地氣陽明主
之其化不從標本而從乎太陰之中氣當其時燥濕兼
行而無偏勝者陽明之化也或燥臥淫所勝則霜霧清

瞑民病喜嘔嘔有苦善太息心脅痛不能反側甚則噎
乾而塵身無膏澤足外反熱其法治以苦溫佐以甘辛
以苦下之運土大過是謂敦阜之紀雨濕流行腎水受
邪民病腹痛清厥意不樂體重煩冤甚則肌肉萎足痿
不收行善癭脚下痛飲癸中滿食減四肢不舉變生得
位藏氣伏化氣獨治之泉涌河衍涸澤生魚風雨大至
土潰鱗見于陸病腹滿溇泄腸鳴下甚而太谿絕者死
不治其治宜以苦熱所謂歲寒之藥食宜也初之氣始

于癸亥歲十二月中氣大寒日寅初終於是年二月中
氣春分日子初凡六十日八十七刻半主位太角水客
氣太陽水中見太宮充之風寒濕三氣奉少陰之政而
行春令地氣遷燥將去寒始遷蟄復藏水迺冰霜復降
風迺至陽氣鬱民反周密關節禁固腰膝痛炎暑將起
中外瘡瘍且治太陽之客以苦補之以鹹瀉之以苦堅
之以辛潤之開發腠理致津液通氣也食丹穀以全真
氣食稷以辟虛邪雖有寒邪不能為害二之氣自春分

日子正至小滿日戌正凡六十日有奇主位少徵火客
氣厥陰木同德中見土運以奉少陰行舒榮之化時令
至此陽氣布風迺行春氣以正萬物應榮寒氣時至民
迺和其病淋目瞑赤氣鬱於上而熱宜治厥陰之客以
辛補之以酸瀉之以甘緩之食丹穀以全真氣食稻以辟
虛邪雖有風邪不能為害三之氣自小滿日亥初至大
暑日酉初凡六十日有奇主位少徵火客氣少陰火中
見土運天政之所布正時令至此大火行庶類蕃鮮寒

氣時至民病氣厥心痛寒熱更作咳喘目赤宜治少陰
之客以鹹補之以甘瀉之以酸收之食丹穀以全真氣
食豆辟虛邪雖有邪熱不能為害四之氣自大暑日酉
正至秋分日未正凡六十日有奇主位太宮土客氣太
陰土運與氣同名為司氣溽暑至大雨時行寒熱互作
民病寒熱嗌乾黃痺衄衄飲發宜治太陰之客以甘補
之以苦瀉之以甘緩之食白穀以全真氣食麻以辟虛
邪雖有濕邪不能為害五之氣自秋分日申初至小雪

日午初六十日有奇主位少商金客氣少陽火中見土
運客火運事畏火臨暑反至陽迺化物迺生榮民迺康
其病溫宜治少陽之客以醎補之以甘瀉之以醎軟之
食白穀以全真氣食豆以辟虛邪雖有火邪不能為害
終之氣自小雪日午正至大雪日辰正六十日有奇主
位太羽水客氣陽明金中見土運土能生金金能生水
三氣相得而行順化燥令之行餘火內格民病腫於上
欬喘甚則血溢寒氣數舉則霧霧翳病生皮膚內舍於

脅下連小腹而作寒中宜治陽明之客以酸補之以辛潤之以苦瀉之食白穀以全真氣食黍以辟虛雖有燥邪不能為害然初氣終三氣天氣主之勝之常也四氣盡終地氣主之復之常也若歲半之前司天少陰之氣勝者必有太陽之復若在泉陽明之氣勝者必有少陽之復其復皆在歲半之後觀其氣勝之早晚以驗復氣之遲速各以勝復之法治之有勝則復無勝則已

乙丑歲圖



太陰濕土司天太陽寒水在泉中見少商金運歲運不
及運化運行後天上見太陰左間少陽右間少陰故地
氣上騰陰專其政而其政肅下見太陽左間厥陰右間
陽明故天氣下降陽氣退辟而其令寂大風時起原野
昏霧白埃四起雲奔南極寒雨數至寒濕合德黃黑埃
昏流行氣交上應鎮星辰星其穀玄間穀命太角者物
成於差夏有餘宜高不及宜下有餘宜晚不及宜早土
之利氣之化民氣亦從之故陰凝於上寒積於下寒水

勝火則有冰雹陽光不治殺氣迺行民病寒濕腹滿身
腫憤肘腫痞逆寒厥拘急是歲土為天氣水為地氣土
能勝水天氣盈地氣虛然中見金運天氣生運運生地
氣三氣相得而行順化邪氣亦為司天之氣為有餘天
氣之盈當取化源之實者平土氣也歲宜食穀玄之穀
以全其真食間氣之穀以保其精以苦熱治其上以甘
熱治其下以酸和調其中所以燥之溫之甚則發之泄
之不發不泄則濕氣外溢肉潰皮折而水血交流必贊

其陽火令禦甚寒少商之運與寒化同宜以熱化此藥
食宜也然太陰司天之氣標既同其化從本其氣常主
歲半之前當其時雨以時至者天政之和而為雨化若
濕淫所勝即沈陰且布雨變枯槁民病肘腫骨痛陰痺
陰痺者按之不得腰脊頭項痛時弦大便難陰氣不用
飢不欲食欬唾則有血心如懸病本于腎診其足太谿
脈絕者死不治其治平以苦熱佐以酸辛以苦燥之以
淡泄之歲半之後地氣太陰主之其化從本從標當是